



**DN. DVRANDI|| à Sancto Portiano, in Senten=||tias  
Theologicas Petri Lombardi|| Commentariorum libri||  
quatuor.||**

**Durandus <de Sancto Porciano>**

**Antverpiæ, 1567**

Quæstio quarta. Vtrum in omni creatura sit vestigium trinitatis.

---

[urn:nbn:de:hbz:466:1-72607](https://nbn-resolving.de/urn:nbn:de:hbz:466:1-72607)

### Magistri Durandi de

ipius non esse, siue esse sit de quiditate rei, siue non, quia si cogitatur esse actu subiectu, cogitatur esse actu aliquid in se. Et si cogitatur subiectu ipsi non esse cogitatur non esse. Et ideo simul cogitaretur non esse & esse, quod est impossibile. Sed si non est per se notum nomen illud significare quiditatē entem vel posibilem, per consequens non est per se notum quod esse sit de eius quidditate, propter quod potest cogitari non esse, non quid subiectu modo prius dicto (s. q. cogitetur esse subiectu ipsius non esse) sed quasi obiectu, ut cogitetur non esse actu res aliqua vel quidditas.

13 Adhuc supposito quod sit notum nomen significare quiditatē entem vel posibilem, ut hoc nomen rosa, et quod esse sit de quiditate rosa vel floris: adhuc potest cogitari rosa non esse actu vel non esse flos: non quidem quod rosa maneat quantum ad suam quiditatē extra animam & non habet actu esse, vel non sit actu flos, sed cogitando quod huic nomini non subest actu aliqua quidditas. Ex hoc ad propositum dicendum quod non est per se notum quod hoc nomen Deus significat quiditatē entem vel posibilem, sed cum multa deductione probatum est a Philosopho (vt dictum fuit.) Et si esset per se notum (ut de rosa) adhuc posset cogitari non esse actu modo quo dicendum est.

14 Quia autem subditur de Anselmo, qui dicit, quod nullus potest cogitare quod deus non est, licet haec verba dicat in corde, aut sine villa aut cum aliqua extranea significacione, dicendum quod Anselmus non dicit hoc absolute, ut ibidem patet: sed supposito quod haec sit ratio huius nominis Deus. Deus est quo maius cogitari non potest. Et supposita illa deductione illud cogitatur quod non potest cogitari non esse quam illud quod potest cogitari non esse. His enim duobus concessis, & facta deductione, sequitur quod Deus non potest cogitari non esse, non autem absoluē, quia non concedens alteram premisarum aut non deducens conclusionem ex premisitis potest secundum se cogitare, & mente concipere Deum non esse: propter quod oppositum eius, scilicet Deum esse non est per se notum nobis, sed sit notum deductione facta ex notio: sibus quo ad nos.

15 Ad illud quod tertio subditur dicendum quod non est per se notum quod haec sit ratio nominis quod est Deus: Deus est quo nihil maius cogitari potest, nec Anselmus accipit hoc ut per se notum, sed tantum ut ceditum, dicens, credimus te esse aliquid quo nihil maius cogitari potest, nec de omni cogitatione veritatem haber, quia licet Deus sit quo nihil maius esse possit & quo nihil maius vere cogitari possit, potest tamen (quoniam falso) cogitari aliquid maius Deo. Ex quo sequitur quod licet Deum esse sit verum, non tamen est per se notum, quia oppositum per se notum quo ad nos non potest, nec vere nec falso opinari.

### QVÆSTIO QVARTA.

Vtrum in omni creatura sit vestigium trinitatis.

*Tho. I. p. 9. 45. art. 7.*

Circa secundum principale, scilicet de vestigio Dei in creaturis queritur, vtrum in omni creatura sit vestigium trinitatis. Et videtur quod non, quia vestigium rei est per quod res inuestigatur, sed ex creaturis non potest inuestigari trinitas personarum, vt supra ostendit est: ergo, &c.

Item secundum Aug. vestigium attendit secundum modum speciem & ordinem, sed modus non est modus, nec ordinis ordo, &c. Cum haec igitur sint quædam creature visuē saltem quod non in omni creatura sit vestigium.

3 Praterea Ambr. in Hexameron dicit quod natura lucis non est creata in numero, pondera, & mensura. Et tamē secundum hoc attendit vestigium: ergo non in omni creatura est vestigium.

4 CONTRA S A P. II. Omnia in numero, &c.

Item Aug. in libro de Natura boni, loquens de numero, specie, & ordine, dicit ubi haec tria, magna sunt magnum bonum est, ubi parua paruum, ubi nulla nullum, sed in omni creatura est aliquid bonum. ergo in omni creatura est vestigium.

RESPONSO, videndum est primo quid sit vestigium, & secundum quas partes attendit. In quo apparet an vestigium sit in omnibus creaturis. Et secundo

### Sancto Porciano

videbitur vtrum partes vestigii addat aliquid reale super rem que est earum fundamentum.

7 Quantum ad primum sciendum est quod vestigium nunc translatiū sumitur ad similitudinem vestigii proprietatis quod est impressio ducens confusum in cognitionem eius cuius est, sicut vestigium hominis dicit impressio pedis derelicta in pulvere quæ ducit in cognitionem hominis cuius est impressio, non tamen determinate in cognitionem eius, sed confusum in cognitionem alicuius, ex hoc sic arguitur. Vbiq[ue] est aliqua representatio trinitatis ducens nos saltem confuse in aliquam trinitatis notitiam (licet cōculam) ergo &c. maior patet ex dictis, minor declaratur, quia in trinitate diuina est unitas, & unitas cum trinitate personarum. In omni enim creatura inueniuntur essentiae unitas, & quedam tria quae aliter correspondunt tribus personis (licet confusio.) Omnis enim creatura procedit a Deo per potentiam, secundum ordinem sapientie, & propter bonitatem diuinam, quia tria appropriantur tribus personis. Ea autem quae in creaturis his tribus respondent fuit secundum Augustinus, species, & ordo. Omnis enim creatura habet esse limitatum & non infinitum, & hoc pertinet ad modum. Item habet esse determinatum ad certam speciem quod pertinet ad speciem. Habet etiam inclinationem ad aliquid aliud, & hoc pertinet ad ordinem. Dicunt autem haec in cognitionem appropriatorum, & per consequentem in cognitionem confusum personarum hoc modo. Ex hoc enim quodque libet res habet substantiam modificantem & finitam demonstratur quod sit ab alio principio, & ita dicit in cognitionem potest quae nominatur principium & appropriatur patri. Species vero demonstrat verbum patris (scilicet formam domus conceptionis artificis) ordo vero demonstrat amorem productus quo effectus ordinatur in bonum. Amor autem appropriatur spiritui sancto: idem, &c.

8 Haec autem assignatio eadem est cum illa quam ponit beatus Aug. lib. 8, q. quod constat, quo discernitur, quo congruit. Et etiam eadem cum illa quae ponitur Sap. II. Omnia in numero, mensura, & pondera dispositi. Vnde Aug. super Gen. cap. 5, dicit quod Deus est mensura omni rei modum praesagens, numerus omni rei speciem praespondens omnem rem ad stabilitatem trahens, vnde pro eodem accipit mensuram & modum, numerum & similiem pondus & ordinem: vel haec ad inueniuntur coaptat, & sic patet primum.

9 Q U A N T U M ad secundum dicendum quod partes vestigii non addunt super rem aliquid faciens compositionem, quod patet primo ex carum communitate sic: quae sunt per se communia omni enti nihil addunt super ens, sed partes vestigii sunt communes omni enti cum in omnibus inueniuntur vestigium: ergo nihil addit super ens, sed ens nihil addit super qualibet rem: ergo nec partes vestigii, minor iam patet, maior declaratur, quia praeter ens nihil est. Et ideo quod conueniunt enti secundum quod ens (qualia sunt illa quae omni enti conueniunt) nihil possunt addere super ens: exempli de uno quod conueniuntur cum ente, & de consumilibus.

10 Secundo patet idem sic: Si modus rei de quo nunc loquimur, qui est vna pars vestigii (et idem est intelligentium de aliis) est res addita super illud cuius est modus faciens cum ipsa compositionem, cum in omni creatura sit vestigium est: in tali modo est assignare vestigium, & partes vestigii que sunt modus, species, & ordo, & ita modi est modus, tunc quæremus de modo isto secundo utrū dicere additum aut non. Si non, eadē ratione si stendunt fuit in primo. Si sic, erit processus in infinitum querendo ut prius, hoc est inconveniens: ergo patet quod partes vestigii non dicunt aliquid additum super rem cuius sunt, hoc etiam competit eorum representationi: representant enim appropriata personis vel personas quatuor ad appropriata que non dicunt rem additam essentiae vel persona. Intelligentem est etiam quod licet in omni creatura possit assignari vestigium, magis tamē in per se subsistentibus cuiusmodi sunt individua substituta quam in accidentibus, & adhuc in materia minus.

u Ad

### Lib. I. Distinctio III.

11 Ad rationes in oppositum. Ad primam dicendum quod licet in creaturis non inuestigetur Trinitas personarum per modum demonstrationis ex necessitate concludens, tamen inuestigatur per modum cuiusdam adaptacionis, & hoc sufficit ad rationem vestigii cum sit representatione imperfecta.

12 Ad secundum dicendum quod procedit ex falso intellectu, scilicet modus rei sit res aliqua creata alia ab ea cuius est modus, factens cum ipsa compositione quod non est verum, ut declaratum fuit in corpore quartoris.

13 Ad tertium dicendum quod tanto lucis natura dicitur non fuisse creata in numero, pondere & mensura, quia eius effectus est minus limitatus quam aliarum rerum simpliciter tamen cum luce sunt ita creata.

#### Secunda pars tertie distinctionis.

**N**unc vero iam ad eam perueniamus. Superior ostendit Magister Trinitatem personarum & unitatem essentiae per similitudinem imaginis que in creatura rationali specialiter habet esse. Et diuiditur in tres partes. Primo ostendit subiectum imaginis. Secundo ostendit secundum quid attenditur imago. Tertio ex omnibus quae dicta sunt concludit unitatem essentiae & trinitatem personarum. Secunda ibi. Ecce ergo mens. Tertia ibi. Quia propter iuxtam istam. Secunda autem istarum in qua ostendit secundum quid attenditur imago diuiditur in duas partes. Primo enim assignat imaginem secundum potentias. Secundo secundum habitus. Secunda ibi, potest autem alio modo. Item prima diuiditur in tres partes. Primo ostendit imaginis partes. Secundo ostendit in eis similitudinem trium personarum. Tertio dissimilitudinem Secunda ibi, haec ergo tria, ut ait. Tertia ibi, verumnam caueat. Adhuc secunda istarum in qua ostendit similitudinem personarum in potentia diuiditur in tres. Primo inducit probationem. Secundo ponit quorundam distorti manifestationes. Tertio excludit quandam dubitationem. Secunda ibi, mens autem hic accipendum. Tertia ibi, hic aduertendum. Illa pars in qua assignat imaginem secundum habitum, diuiditur in tres. Primo enim assignat partes imaginis. Secundo probat in eis similitudinem personarum. Tertio concludit suum intentum. Secunda ibi. Haec autem tria cum sint distincta. Tertia ibi, mens itaque rationalis. Hec est sententia Magistri in generali.

2 In speciali autem sic procedit magister dicens, quod *Imago Dei* qui est omnipotens in excellentiori parte hominis, scilicet in mente querenda est, non solum prout est *gratia* informata, sed secundum sua naturalia, quia secundum suam naturam est capax Dei, & participes esse potest eius. Et hoc est esse imaginem, postea assignat imaginem in mente secundi potentias dicens quod secundum quod mēs meminit sui, intelligit se, vult se, inuenit imaginem trinitatis in memoria, intelligentia & voluntate. Deinde ostendit similitudinem trium personarum. Et primo quantum ad consubstantialitatem. Illam enim confusione qualitatibus habent ad inuicem, quia sunt una mens & una essentia. Secundo quantum ad distinctionem personarum, scilicet quia habent diversam relationem. Tertio quantum ad aequalitatem, sicut enim ad inuicem aequalia, sicut persone diuinae quam aequalitatem probat per hoc quod se inuicem capiunt, & includunt, quia quelibet distarū personarum capit aliam, & qualibet capit oīs. Et ideo quicunque est equalis oībus. Quicquid enim est obiectum unius est obiectus omnium. Quod autem memoria sic capiat ostē dicit, quicquid est praesens memorie est in memoria, sed me memoria est sibi praefens, ergo totā seipsum caput. Item quid intelligo & volo illud intelligo me scire & velle, sed quod scio me intelligere est in memoria, ergo quicunque est intelligo & volo est in memoria mea, ergo memoria totam se capi & intelligētiā & voluntatem. Quod vero intelligētiā capiat singula sic probat Aug. Omne quod non est ignoratum est intelligentia, sed quicquid est voluntum, vel intellectum in memoria existens non est ignorantum, ergo omne huiusmodi est in intelligentia, & ab ipsa capitur intelligentia, ergo alias caput. Quod etiā voluntas singula capiat sic probat. Omne illud quo vtor est in voluntate mea & ab ea capitur ut obiectum, sed omni eo

#### & Quæstio. I.

23

quod volo vel intelligo vel memoror, vtor, ergo omne huiusmodi est in voluntate mea, cū ab ipsa capiatur ut obiectum voluntas, ergo seipsum capite & alias potestas. Postea determinat quæda & primo quomodo accipitur mēs, & dicit quod mens potest hic accipi duplicitate, veluti prota anima vel cōuentientia pro eo quod est in ea excellens. Secundo dicit quod memoria nō est tantum praeteritorum & absentium, sed praesentium, alias se non casper. Postea excludit quandam objectionem & querit primo quomodo ista tria sunt una essentia cum non videantur esse substantia sed naturalis proprietatis ipsius animi, nulla autem proprietas est essentia, cum in essentia non sit diuersitas & relatio mutua, & solius dicens quod ideo dicuntur una substantia eo quod non accidentaliter, sed essentiale sunt in ipsa essentia anima. Postea ostendit in istis potentias dissimilitudinem respectu diuinarū personarum & ponit duplē dissimilitudinem. Prima est in trinitate diuina, trinitas est unus Deus. Haec vero tres potentias non sunt unus homo, sed hominis vius. Secunda, quia persona vius hominis habet tres potentias illas. Sed in diuinis una persona non habet trinitatem: unde iste tres personæ non videntur esse persona vius Dei, & addit quod in istis potentias est imago, non solum respectu sui, sed etiam respectu dei. Postea assignat alio modo imaginem Dei, scilicet secundum habitum, & dicit quod in mente nostra & amore est imago trinitatis. Postea ostendit similitudinem trium personarum in istis. Et primo quantum ad substantialitatem, quia haec tria vnum sunt. Secundo quantum ad originem, quia ex mente procedit notitia & ab eterno amor sicut una persona diuina ab alia procedit. Tertio quantum ad aequalitatem, quia in quantum est mens intacta se notat & diligit, & utrumque sicut istorum in altero concluditur. Postea ex unitate quae in ista imagine appetat concludit unum Deum, si enim est sicut duo da vel alter superflueret, si eterne esset perfectissimus, vel alter esset insufficiens. Vtimum ex predictis concludit veritatem fidei, scilicet quod in diuini est unitas essentiae in trinitate personarum, quas personas necesse est esse distinctas relatione processionis, & haec est sententia Magistri in speciali.

#### QVAESTIO PRIMA.

Secunda pars tertie distinctionis. Vtrum in homine sit imago trinitatis.

**C**irca secundam partem principalem huius tertie distinctionis in qua Magister tractat de imagine trinitatis. Primo, queritur utrum in homine sit imago trinitatis. Et postea queritur de partibus imaginis. Quicquid ergo primo utrum in homine sit imago trinitatis. Et videatur quod non, quia beatus Hilarius lib. de Synodis dicit quod imago est eius rei ad quam imaginatur species indifferens, sed nulla una species indifferens potest esse trinitatis diuinae & animae nostrae: ergo in anima nostra non est imago trinitatis.

2 Item infinitas diuina non habet imaginem in aliqua creatura, ergo nec trinitas antecedens patet, quia in creaturis nihil est quod representet infinitatem diuinae proportionem consequenter, quia omnis infinitas diuina sufficit enter inuestigatur ex creaturis, non autem trinitas, propter quod magis deberet habere imaginem quam trinitatis,

3 IN CONTRARIUM est quod dicitur Gen. 1. Faciamus hominem ad imaginem & similitudinem nostram. Et Aug. 14. de Trin. dicit, quod anima nostra eo ipso ad imaginem Dei est quod capax eius participis, quod est potest.

4 RES PONSI O, duo videnda sunt. Primum est quid sit de ratione imaginis. Secundum est qualiter imago trinitatis sit in nobis.

5 Quantum ad primū est intelligendum quod imago importat duo. Primum est similitudo ad id cuius est imago non quecunq; sed secundum ea qua demonstrant rem expressum, ut apud sensum color & figura. Et hoc patet in his quibus vulgariter nomen imaginis attributum. Nam enim alterū defit nō dicimus esse completā imaginē, sed quia istud non sufficit, multa enim sunt sibi similia in colore & figura, & in his qua rem expressius representantur, quorum vnum non est alterius imago, sicut quando-